

ԵՐԻՏԱՍԱՐԴ ԳԻՏԱՇԽԱՏՈՂՆԵՐԻ ԳԻՏԱԿԱՆ ԿՈՆՖԵՐԱՆՍԸ ՀԱՄԱԳԻՏՈՒԹՅԱՆ ԵՎ ԱԶԳԱԳՐՈՒԹՅԱՆ ԻՆՍՏԻՏՈՒՏՈՒՄ

Ս/Յ փետրվարի 13-ին ԳԱ Նիստերի ղազխի-
ճում կայացավ ՀՄՄԻ Գիտությունների ակադե-
միայի Հնագիտության և ազգագրության ինս-
տիտուտի երիտասարդ գիտաշխատողների կոն-
ֆերանսը:

ԵԳիտությունների հին Հայաստանի սոցիալ-
տնտեսական հարաբերությունների շուրջը
(15—13-րդ դդ. մ. թ. ա.) թեմայով առաջինը
հանգես եկավ կրտսեր գիտ. աշխատող Լ. Բար-
սեղյանը:

Ձեկուցողն ընտրել էր քիչ ուսումնասիրված
մի ընդգծված, զեկուցման մեջ վերլուծվեց
հայաստանի, Ալշի և Տիրիայի թագավորների
և նրանց գործունեության մասին խեթական ազ-
բյուրներում պահպանված տեղեկությունները,
ինչպես և ցեղային ավագանու գոյության և նրա
ֆունկցիաների հարցերը: Զուգահեռներ անցկաց-
նելով խեթերի հին թագավորության շրջանի
(18—16-րդ դդ. մ. թ. ա.) նույնանման փաս-
տերի հետ, Լ. Բարսեղյանը մանրամասն կանգ
առավ հայաստանում թագավորների կողքին գո-
յություն ունեցող և ցեղի ու տոհմի կյանքում
մեծ տեղ չեղած, արտոնություններով և իրա-
վունքներով օժտված ցեղային ավագանու կամ
ազգաների խորհրդի իրավունքների և դերի վրա:

Ձեկուցողն աշխուժեցրեց խոսքը ստրկական աշ-
խատանքի մասին, կանգ առնելով խեթական
ազբյուրներում հաճախակի հանդիպող հայա-
սա-Ացցի, Ալշի և Իշուան երկրներից փախած
ուարուկների, ինչպես նաև հայաշա տարված խե-
թական գերիների իրավական վիճակի վրա՝ աշ-
խատելով ապացուցել, որ նրանց մի մասը
ազատվում էր ստրուկ լինելուց և բանակում ծա-
ռայում որպես զինվոր, իսկ մյուս մասն՝ ամ-
րացվում էր հողին:

Լ. Բարսեղյանն անդրադարձավ նաև բնտանի-
րի և ամուսնության հարցերին: Նշեց, որ գնմամբ
ամուսնությունը լայն տարածում ուներ նաև միջ-
նադարյան Հայաստանում:

Ուրարտական նորահայտ դամբարան Նրեա-
նում հաղորդումով ելույթ ունեցավ լարորանս
Հ. Խորաշեկյանը: Նա հաղորդեց 1961 թ. ամ-
ռանը Մոսկովյան փողոցի 1/Թումանյանի տուն-
թանգարանի մոտ) շինարարական աշխատանք-
ների ժամանակ պատահականորեն բացված մի
դամբարանի մասին: Դամբարանը մասամբ
ավերված է եղել և խեցեղենի մեծ մասը քար-
ված: Դամբարանում գտնվել են երկու տիպի
խեցեղեն՝ ուրարտականի համար բնորոշ կար-
միր գույնի և տեղական սև խեցեղեն, երկու կտր-
բրոնզե ապարանքների մասեր՝ մեկը գծազար-

դերով: Մանրամասն նկարագրելով հայտնաբեր-
ված կավամանները, Հ. Խորաշեկյանը ուրարտա-
կան կարմիր խեցեղենը համեմատեց Կարմիր
Բլուրից, Արինբերդից, Արմավիրից, Աստղածո-
րից հայտնաբերվածների հետ, իսկ տեղական
սև խեցեղենի համար՝ Կարմիր Բլուրի նախաու-
րարտական շերտից, Արինբերդից, Նուրանցից,
Գուլիստանից, Կիրովականից, Լալվարից հայտ-
նաբերվածների հետ և հենվելով այս անալոգիա-
ների վրա, նորահայտ դամբարանը թվագրեց
ուրարտական ժամանակաշրջանով (8-րդ դար):

Ուրարտական դարաշրջանի դամբարանի
առկայությունը հին Նրեանի հյուսիսային թա-
ղամասում թույլ է տալիս ենթադրելու, որ այս-
տեղից ոչ հեռու եղել է նաև բնակավայր՝ ժա-
մանակակից Արին բերդին:

Բանահյուսության սեկտորի կրտսեր գիտաշ-
խատող Վ. Սվազյանը հանգես եկավ ռուսա-
լեռան հայ ժողովրդական բանահյուսությունը
թեմայով: Բանահյուսական նյութերը նա գրի
է առել Սվեդիայի շրջանի այն բնակիչներից,
որոնք փրկվել և ներկայումս ապրում են Շա-
հումյանի, Հոկտեմբերյանի և Էջմիածնի շրջան-
ներում: Նյութերը գրի են առնված բարբառազի-
տական սկզբունքներով: Վ. Սվազյանի գրի
առած նյութերի մեջ կան և վիպական և քնա-
րական ստեղծագործություններ: Ձեկուցողը
նշեց, որ Լպիկական ժանրի ստեղծագործու-
թյուններում մեծ տեղ են գրավում հրաշապա-
տում հերթաթեները, որոնցում մեծ դեր են խա-
ղացել գիրն ու գիրքը, մարդկանց ու կենդանի-
ների լեզուների իմացությունը, բնության տարե-
րային ուժերի սանձահարման և այդ ուժերը
մարդու կամքին ենթարկելու մասին խրատական
դաստիարակչական հերթաթեներ: Ձեկուցողը
վերլուծեց նաև սվեդահայերի խորիմաստ
առածներն ու ասացվածքները, ինչպես օրհնանք-
ների և անեծքների, բազմաթիվ հանելուկների ու
խաղիկների վրա, վերջում նշելով, որ «Սվեդա-
հայերի ժողովրդական բանահյուսության մեջ
բերված նմուշները գաղափար են տալիս մեզ
ժողովրդի այդ հատվածի հասարակական կեցու-
թյան, պայմանների, գիտակցության ու մտա-
ծողության ձևերի, ինչպես նաև նրանց գեղար-
վեստական ճաշակի համար»:

Կոնֆերանսի վերջում «Ձգնատալորումը միջ-
նադարյան Հայաստանում» թեմայով ելույթ ու-
նեցավ ինստիտուտի Ազգագրության բաժնի
կրտսեր գիտաշխատող Է. Պետրոսյանը: Նա
նշեց, որ մարմնի, դեմքի ներկվել և զգեստա-
վորումը սկիզբ է առել դեռևս հնագույն ժամա-

նականներից՝ կապված կրոնական արարողությունների հետ: Զեկուցողը մի շարք օրինակներ բերեց ներկայի տարբեր հետամնաց, դարգացման տարրեր աստիճաններում գտնվող ցեղերի և ժողովուրդների արարողություններից՝ ավեստալիաքիների, Ամերիկյան հնդիկների, Մեկանեղիայի ցեղերի և այլն: Է. Պետրոսյանը հատկապես կանգ առավ միջնադարյան Հայաստանում ներկվելու և զգեստավորման վրա, փաստեր բերելով Խորենացու մոտ պահպանված տոտեմացած երգչարի գոյության վերաբերյալ (յերգս ցցօց և պարուց): Ենչևիվ միջնադարում թատերական տերմինների գոյության փաստը և կանգ առնելով հատկապես հայկական ձեռագրերի մանրանկարներում պահպանված թատերականացված ունալ և ֆանտաստիկ կերպարների

վրա, նա ենթադրում է, որ այդ տրագիգիան ժառանգված է մեզ չհասած հեթանոսական երգարանք, բանավանից: Է. Պետրոսյանն իր ելույթը եզրափակեց ասելով, որ վերը նշված փաստերը վառ ապացուցում են այն, որ թատերականացման էլեմենտները լայն տարածում են ունեցել ոչ միայն հեթանոսական շրջանում, այլ նաև միջնադարյան քրիստոնեական Հայաստանում:

Կոնֆերանսը եզրափակեց պրոֆեսոր Բ. Առաքելյանը՝ նշելով լսված զեկուցումների հաջողությունները և թերությունները, միաժամանակ շեշտելով ապագայում նման աշխատանքների ծավալման անհրաժեշտությունը:

Է. ԽԱՆՁԱԳՅԱՆ